




蔡中郎文集序



漢蔡中郎傳邕博學辭章爲靈紀
十裔及諸雜文章凡百四篇傳於
世傳所載者釋誨幽冀刺史闕所
陳政要七事金商門答災異疏被
收時表及世傳獨斷女訓文選陳
太丘等碑文初學記短人賦總十

數篇而已按唐書藝文志洎吳氏
西齋書目並云邕集十五卷今之
所傳纔十卷亡外計六十四篇其
中可疑者宗廟頌贊述武皇平亂
之功又有昊天眷佑我魏之句以
魏宗廟也又有魏武帝祠喬太尉
文稱丞相冀州牧魏主操謹遣掾

再拜祠文姜伯淮碑稱建安二年
又平劉鎮南碑建安十三年薨太
口二年葬按邕傳本董卓被誅邕
爲王允所害時年六十一據邕金
商門荅災異被收表云臣今年四
十八靈帝光和元年也董卓被誅
獻帝初平三年也光和元年戊子

至初平三年壬申邕正六十一矣
又初年盡四年改興平二年改建
安至五年正月薨操薨三月改延
康十月禪子魏王丕即初平四年
是爲二十六年太和二年乃魏明
帝之二年至是又八計邕死已三
十六年矣按初平已前操尚在誅

卓之歲操始爲東郡太守破黃巾
於壽張至建安十三年操自爲丞
相二十一得操自進爲魏王亦有
魏宗廟而操不得先稱魏王武帝
及武皇也其姜伯淮鎮南薨葬相
後年代差遠邕安得紀述耶是集
也今旣缺五卷矣見所傳者蓋後

之好事者不本事迹編他人之文
相混之耳非十五卷之本編固矣
達安黃初之文體多相類復不逮
廣被衆集固不可知其誰之作也
偶閱而有得識于帙末天聖紀號
龍集癸亥余月哉生明後八日海
陵西齋平陽歐靜識之序

蔡中郎文集目錄

一卷

故太尉喬公廟碑

東昇銘 中昇銘

西鼎銘

太尉喬公碑

朱公叔議

墳前石碑

黃鉞銘

昇銘

王子喬碑

二卷

郭百道郭林宗碑
文範先生陳仲弓銘

陳太丘碑
汝南周巨勝碑

陳太丘碑

彭城姜伯淮碑
陳留范史雲銘

玄文先生李子材銘
處士國叔則銘

三卷

司空楊秉碑
臨晉侯楊公碑

漢太尉楊公碑
文烈侯楊公碑

琅邪王傅蔡朗碑
劉鎮南碑

四卷

太傅文恭侯胡公碑
胡廣碑

太傅祠前銘
漢交趾都尉胡府君夫人黃

氏神誥
太傅安樂侯胡公夫人靈表

議郎胡公夫人哀讚

五卷

光武濟陽宮碑
太尉汝南李公碑

陳留索昏庫上里銘
陳留太守胡公碑
胡頌碑

六卷

荅丞相可齋議
幽冀二州刺史久缺疏
難夏育上言鮮卑仍犯諸郡
荅詔問灾異八事
被收時表

七卷

和熹鄧后謚
為陳留太守上孝子

八卷

薦邊文札
薦皇甫規

表太尉董公可相國
讓尚書乞在閑冗

巴郡太守擲版
宗廟祝嘏辭

九祝辭
上始元服與羣臣上壽
宗廟迭毀議

表賀錄換誤上章謝罪
讓高陽侯印綬符策

九卷

京兆樊惠渠頌
掾史張玄祠堂碑銘

袁滿來碑銘
幼童胡根碑銘

司徒袁公夫人馬氏碑銘
濟北相崔君夫人誄

十卷

明堂月令論
月令問答

外傳

胡廣黃瓊頌
上漢書十疏

述行賦
短人賦

飲馬長城窟行
篆勢

釋誨
隸勢

正德乙亥春三月錫山蘭雪堂

華堅允剛活字銅版印行

蔡中郎文集目終

蔡中郎文集卷之一



漢左中郎將蔡邕伯喈撰

故太尉喬公廟碑

光光列考伊漢元公克明克哲
實譽實聰如淵之深如岳之嵩
威壯虢虎文繁雕龍撫柔疆垂
戎狄率從敷教中夏五教依通
帝謂我后朕加君功命君三事
時亮天功公拜稽首翼上惟恭
左右天子祗厥勳庸庶績既熙
黎民時雍上下謐寧八方和同

不顯伊德作憲萬邦公諱玄字
公初少辟孝廉辟司徒大將軍
府為侍御史牧一州典五郡出
將邊營入掌機密歷三卿同三
司享年七十五光祿七年夏五
月甲寅以太中大夫薨于京師
朝廷所以吊贈如前之儀其九
月乙酉葬於其所三孤故臣門
人相與述公言行咨度禮則文
德銘于三鼎武功勒於鉦鉞官
簿第次事之實錄書于碑陰俾
爾昆裔永有仰於碑陰

喬氏之先出自黃帝上葬于喬山
子孫之在不二姓者咸以為氏

漢興世以禮樂為業高祖諱仁位
至大鴻臚列名於儒林祖侍中廣
川相考東萊太守公稟性貞純幼
有弘姿剛而不虐威而不猛聞仁
必行睹義斯居文以典術守以繼
固弱冠從政當官而行刺史周公
辟舉從事所部二千石受取有驗
公糾廢贖罪致之於理時有椒房
桂戚之託周公累息功不為之動
史魚之黜宜山甫之不阿於是始
形舉孝廉除郎中洛陽左尉特進
穎王梁不疑為河南尹當事以對
是時畏其權寵而為屈辱者多矣
公不折節辭印綬去辟司徒舉高

第補侍御史以詔書考司謀校尉
趙初事子尉郭貞私與公書非接
使御命之儀公封書以聞貞以文
章得用鬼薪公離司寇辟大將軍
梁公幕府屢以據正于其隆指將
軍嘉之無言不辭又以高第補侍
御史在職旬有羌戎匪茹震驚隴
漢西府舉公拜涼州刺史威名克
宣凶虜革心清風席卷至則無事
車師後部阿羅多卑君相與爭國
兵作亂公遣從事牛解阿傳輕舉
騎奉辟責罪收阿羅多卑居繫
煌正處以聞阿羅多為王甲君侯
稱以奉使副指除侯部候不動于

戈揮鞭而定西域之事以美談又
值饑荒諸郡飢餒公開倉廩以貸
救其命主者以舊典宜先請公曰
若先請民以死廩訖乃上之詔報
曰邊鄙不得妄出玄擅出於是玄
有汲黯憂民之心後不以爲常公
達於事情剖斷不疑皆此類也遂
齊相視民如保赤子討惡若赴水
火刑明賞遂民知勸懼臨淄令照
之賊多罪止正受鞠就刑沒齒無
怨以不先請免官徵拜上谷太守
民有父子俱行凶人上惡言當道
曉之不止其子殺之而捕得公以
其見侮辨直不舉文書以遇赦令

卷二十一

蓄縣有帝舜廟以故事齋祠戶曹
史張機有懲罰貨祠巫自託以舜
命約公云不得譴公覺其奸態收
考首伏即日伏辜遷漢陽太守上
封令皇甫貞賊罪明審收考鬚
死于冀市後以疾去徵拜議郎司
徒長史循王惺桓帝同產以懷逆
謀黜封瘿陶王以公長於襟帶拜
鉅鹿太守惺畏怖明憲險于靜息
自將作大匠徵未到而章謗先入
故轉拜議郎遂用免官徵度遼將
軍遷河尹少府大鴻臚司徒司空
託病而去悉引衆災雖非已負公
皆以自克遜位歲節拜尚書令時

河間相蓋升以朝廷在蕃國時鄰
近舊恩歷河南太守太中大夫在
郡受取如億以上創毒深刻公表
升會放狼籍不顧天網擯辱國家
爲上招怨常肆市朝以謝兆民幸
遇贖令罪除惡在可免升官禁錮
終身沒入財賂非法之物以充帑
藏懲戒羣下連表上不納而升仙
爲侍中公稱病辭徙拜光祿大夫
復拜太尉如前遜位復拜少府病
不職拜太中大夫凡所獲祿皆公
府所特表選臨難受位自九列之
後乃以不貲公紀綱張弛氣爽不
于見是非而作速於登檠乃寔居

從容中七和樂寬裕愛士親仁凡
見公容貌聞公聲音莫不願怡悅
憚思樂模則來者忘歸去者願還
雅性謙克不吝於利欲惟爾子羣
孫並在仕次曾無頓媚一言之求
身沒之日無獲大位在百里者莫
得好縣比方公孫未有若茲者也
初公為舍於舊里第卒推與其孤
至於即世樞擯無所清儉仁以與
之効於斯為著出魏上乎若德允世
之表儀也已

東鼎銘

維建寧三年秋八月丁丑延公于
王堂前廷乃詔曰其以大鴻臚喬
玄為司空拜稽首以讓帝曰俞往
三讓然後受命公乃虔恭夙夜帝
采勤施入方旁作穆上以對揚天
予丕顯休命曰在先民毗于天內
不著股肱必其思心式率天行式
昭德音公亦尅紹厥由鑒于法罔
敢不法鼎于誠罔敢不法鼎于誠
用愍是羣后保乂帝家勛在方冊
民咸曰休哉惟帝念功越若來二
月丁丑遷於司徒

中鼎銘

維建寧四年三月丁丑延公登于
玉堂前廷乃制詔曰其以司空喬
玄為司徒公拜首以讓帝曰俞往
三讓然後受公先迪厥德宣力肆
勤戰上兢上以役帝事越其所以
率夫百辟媚于天子曰都慎厥循
思來同寅協恭以和天衷德則昭
之違則塞之回乃不敢不粥枉乃
不敢不匡股肱之事既充三事之
繇乞備灾告作見乃引其青白尼
度徵不若彝倫不叙是惟臣之收
祗以疾苦表越十月庚午記此

西鼎銘

維光緒元年冬十二月丁巳延公
入崇德殿前乃制詔曰其以光祿
大夫玄為太尉公拜稽首曰臣聞
之三讓莫或克從臣不敢辭臣犬
馬齒七十可以生可以死其戮力
閑私悉心在公以盡為臣之節于
時侍軒秋階與聞公之昌言者莫
不惕厲如履薄冰既乃碑表有代

黃鉞銘

孝桓之季年鮮卑入塞抄盜起凶
奴左部梁州叛羗逼兵誅淫衍
東後高句麗勦子百固逆謀並發
三垂騷然為國憂念四府表公昔

在梁州系遠能邇不煩軍師而車
師克定及在上谷漢陽連在營郡
膂力方剛明集御衆徵拜度遼將
軍始受旄鉞鉦鼓之任扞禦三垂
公以吏士年乃勤於奔命人
馬疲羸撓鈍請且息州營橫發之
役以補漸貌朝廷許之於是諸廩
豐饒奉使不懸人逸馬畜已勁始
利而經用省息官有餘資執事無
放散之尤籌畫有進入之羸治兵
示威戎士角躍旌旗曜日金鼓連
奮守有山岳之固攻有必克之勢
羌戎受首于西疆百固冰散于東
鄰鮮卑收迹烽燧不舉臨事三年

馬不帶缺弓不受疆足用鏤石作
茲鉦鉞軍鼓陳之東階以昭公文
武之勛焉帝命將軍乘茲黃鉞威
靈振耀如火之烈公之位羣狄斯
柔齊斧罔設入士斯休

太尉喬公碑

公諱玄字公祖梁國睢陽人也大
鴻臚之曾孫廣川相之孫東萊太
守之元子也膺受純性誕有特表
岐嶷而超等摠角而逸羣至于初
紳高明卓異爲衆傑雄其性疾華
尚朴有折而不撓臨大節而不可

奪之風經藝傳記周免博涉瑰琦
在前靡所不識當世是以服重器
歸高名州郡交請待以訪斷歷端
首則義可行處瓜牙而威以布察
孝廉除郎中洛陽左尉以公事去
辟司徒舉高第侍御史直道而往
用已其莅辟大將軍而府表拜京
州刺史遷齊相以公事去詔書印
綬即家拜上谷太守遷漢陽太守
徵拜義郎司徒長史鉅鹿太守被
詔書為將作大匠為受罰者所章
拜議郎即徵拜度遼將軍遷河南
尹少府大鴻臚遂陟司空司徒託
病遜位起家拜尚書令以疾薦稱

拜光祿大夫後拜太尉久病自替
復為少府太中大夫春秋七十五
光和七年五月甲寅薨公性質直
不憚強禦在憲臺則有盡規之忠
領州郡則有虎彫之威其拔賢如
旋流討惡如霆擊每所臨向清風
光翔遠近豫震茲可謂超越衆庶
彰於遠邇者已於是故吏司徒博
陵崔烈廷尉何南吳整等以謂至
德在已揚之由人苟不矯述夫何
善焉乃共勒嘉石末昭芳烈遂作
頌曰
赫矣喬父秉文握武內為宗幹出
為藩輔在憲彈枉竟由厥矩允牧

白首文集卷之二

于涼劉彼裔土爰將度遠亦用齊
斧敷教四畿旋統京宇敦茲五服
衆庶是與膺踐七命翼我哲聖登
空補袞陟徒訓敬尹尉清晨熙帝
之政終始爲貞負章以定遺愛在
民皇哀其命立石川銘莫迹斯聽
魂而有靈萬億其盛

朱公叔議

漢益州刺史南陽朱公叔卒門人
陳季珪等議所謚云宜且曰忠文子
陳留蔡邕議曰昔在聖人之制謚
也將以勸善彰惡俾民興行負愚

臧否依事從實雖文武之美靈厲
之穢罔不具存自王公已降至于
列國大夫皆用配號傳于無窮秦
祚一言謚而黜其事漢與已來惟
天子與二等之爵然後有之公卿
大臣其禮闕焉歷世彌久莫之或
循益州府君貫綜典術率由舊章
始與諸儒考禮定議加陳留府君
以益州之謚是後覽之者亦無間
焉今子宣纂襲前業不忘遺則考
既至矣禮實巨之謹覽陳生之議
思忠文之意參之群學稽之謚法
夫萬類莫貴乎人百行莫美乎忠
故夏后氏正以人統教以忠德然

則忠也人德之至也而猶有三焉
孔子曰進思盡忠又曰臣事君以
忠奉上也之忠也為人謀而不忠乎
焉能無諉之忠也春秋左氏傳小
大之獄必有情忠之屬又曰上思
利人忠撫下之忠也三者人之剛
而忠行乎其忠益州府君自始事
至沒身忠言不輟平口謀不已乎
心其在帝室正身危行言如砥矢
策合神明蹇上之諫文章具存奉
上忠矣其在部臣匡
一疑心不我聽者果有躡覆不測
之禍謀誨忠矣爰牧冀州時值凶
荒勞苦思勤恤度事誅斃貪暴糾

戢貴黨雖則強禦當官能行夫豈
淫刑將有利也發墓盜柩議而不
罪夫豈漏姦察以情矣撫下忠位
在牧伯職據納言秉權食祿實有
年數而居無畜好財貨不益舊糲
食粟布衾謂之精麗者昔魯季孫
行父卒宰庀家器無衣帛之妾無
食粟之馬君子曰相三君矣而無
私積可不謂忠乎而諡曰文子春
秋外傳曰忠文之實也然則文忠
之彰也以爲實文以彰之事通議
合兩名一致是忠貞儉也稱文也
邾子籛篠卜遷于史繹曰利於民
不利於君公曰民苟利矣孤亦與

焉於是遷而遂卒諡曰文公是危
身利民之稱文也衛大夫孔圉諡
曰文子子貢疑焉惟敏而好學不
恥下問仲尼與之是勤學問之稱
文也府君所在屢以忤違陷以深
患苟除民害死生以之前後三黜
一離身靡於身危矣兼包六典命
世作師猶復宗事趙叟示有修尊
能下問矣有一於此猶可以稱况
乃忠兼三義文備三德於古志不
悖而謚法亦曰宜矣本議曰忠文
子按古之以子配諡者魯之季文
孟懿子衛之孫文公叔文公皆諸侯
之臣也至於王室之卿大夫其尊

與諸侯並故以公配春秋曰劉卷
卒葬劉文公羊傳曰劉卷者何
天子大夫也經又曰王子虎卒左
傳曰王叔文公卒而如同盟禮也
此皆天子大夫得稱其禮與盟同
諸侯敵文明也又禮緣臣子咸欲
尊其君父故雖侯伯子男之臣自
稱其君咸得曰公及其卒也異國
之人稱之皆然是以邾子許男公
以葬春秋之正義也以例言之則
府君王室亞卿也有王叔劉氏之
比臣子之辭言之則有邾許稱公
之文雖無土而其位是也今曰公
猶可若稱子則降等多以懼禮廢

曰父將詭時聽周有仲山甫伯陽
嘉父子賢老之福老之稱也宋有
正考父魯有尼配諡之稱也春秋
曰孔父子曰伯其父亡之稱也父
雖非爵號與同禮天子諸侯威用
優賢異亡順平門人臣子所稱之
巨可於公父之中擇一處焉斯不
得稱子而已

鼎銘

忠文朱公名穆字公叔有殷之胄
微子啓以帝乙元子周武王封諸
宋以奉成湯之祀至元子啓生公
子朱其孫氏焉後自沛遷于南陽

穆立節忠亮世篤爾行虔恪幾任
守死善道不幸而卒朝廷閔焉今
使權謁者中郎楊賁贈穆益州刺
史印綬魂而有靈嘉其寵榮嗚呼
哀哉肆其孤用作茲寶鼎而銘載
體功俾後裔永用享祀以知其先
之德

墳前石碑

維漢二十一世延熹六年粵四月
丁巳文忠公益州太守朱君名穆
字公叔卒于京師其五月丙申葬
于宛邑北萬歲亭上陽舊兆域之

南其孤野受顧命曰古者不崇墳
不封墓祭服雖三年無不於寢今
則易之吾不取也爾其無拘于俗
無廢子誠野欽率遺意不敢有違
封墳三板不起棟宇乃作祠堂于
邑中南白陽里備器鑄昇銘功載
德懼墳封彌父夷子平壤於是依
德像綠雅則設茲方石鎮表靈域
用慰其孤罔極之懷乃申詞曰
歆惟忠文時惟朱父實天生德
丕承洪緒彌綸典術先迪聖矩
好是貞厲疾彼強禦斷剛若九
柔亦不茹仍用山夷邁改受侮
帝曰休哉朕嘉乃功命汝納言

之苑遂大宋爵位相襲烈祖尚書
令肅宗之世守于臨淮考曰先生
實為陳留太守乃及忠文克慎明
德以服享祖禰之遺風悉心臣事
用媚天子顯允其勲績尋綜六藝
契闊馳思所以啓前惑而覺後疑
者廉除郎中尚書侍郎豐令獨
運際存亡之要乃諫五事諫謀深
切退處畎畝以察天象享應著焉
孝順晏駕賊發江淮時辟大將軍
府實掌其事用拜宛陵令非其好
也遂以辟復辟大將軍再拜博士
高第作侍御史明司國憲以齊百

僚矯枉董直罔不阿順以黜其位
潛于郎中羣公並表乃遷議郎登
于東觀纂業前史於是冀州凶荒
年饑民匱而貪婪之徒乘之為虐
錫命作牧靜其方乃撫洪化奮
靈武昭令德塞羣違貞良者封植
殘戾芟夷去惡囚人獸增主之盜
相與比而作匿用陷我非辜復徵
拜議郎病免官徵拜尚書清一以
考其素正直以醇其德出納帝命
乃無不允雖寵作齋栗山父喉舌
靡以尚書享年六十有四漢皇二
十一世延熹六年夏四月乙巳卒
于宮天子痛悼詔曰制詔尚書朱

胤女祖蹤父拜稽首翼之惟恭
謂督不忘夙夜在公昊天不吊
降茲篤殃不遺一父俾屏我皇
我皇悼心錫詔孔傷位以益州
贈之服章用刊彝器宣昭遺光
子士孫上承載寶藏

王子喬碑

王孫子喬者蓋世上之真人也聞
其仙舊矣不知興於何代博問道
家或言潁川或言彥蒙初建斯域
則其斯立傳承先人曰王氏墓紹
胤不繼荒而不嗣歷載彌年莫之
能紀泊于永和元年十有二月當

臘之夜上有哭聲其音甚哀附居者王聞而恠之明則登其墓察焉
洪雪下無人踪見一鳥跡有祭祀之處左右或以為神其後有人
着絳冠大衣杖竹策立冢前呼樵孺子尹禿謂曰我王子喬也尔勿
復取吾先人墓前樹也須臾忽然不見時令太山萬熙稽古老之言
乃造靈廟以休厥神於是好道之壽自遠來集或絃歌以詠太一或
談思以歷丹田其疾病疴瘵者靜躬祈福即獲祥若不虔恪輒顛陪
故知至德之宅兆真人之先祖也

延熹八年秋八月皇帝遣使者奉犧牲以致祀祗懼之敬肅如也相
國東萊王章字伯義以為神聖所與必有銘表昭示後世是以賴鄉
魏伯陽之踪闕民慕尹喜之風乃為長史邊乾訪及士隸遂樹玄石
紀遺烈俾志道之所有覽焉
伊王君德通靈含光耀乘純貞應大道羨久榮漂長風棄世俗
飛神形翔雲霄浮太清乘螭龍載鶴軒戴華笠奮金齡推羽旗
曳霓旌驩罔逐壽億齡然篤孝念所生歲終闕發丹情存墓冢
舒哀聲遺鳥跡覺舊城被終衣

白石寺卷一

一

垂紫纓呼孺子告姓名由此悟
感怖驚修祠宇反几筵饋饋進
甘香時傾顧匡流祉庶帝庭
祐邦國胡黔民光景福耀無垠

蔡中郎文集卷之一

蔡中郎文集卷之二

郭有道太原郭林宗碑

先生名泰字林宗太原界休人也
其先出自自有周王季之穆有瓊叔
者實有懿德文王咨焉建國命氏
或謂之郭其後也先生誕膺天
衷聰睿明哲孝友溫恭仁篤柔惠
夫其器量弘深姿度廣大浩也焉
汪也焉與乎不可測已若乃砥節
勵行直道正辭貞固足以幹事隱
括足以矯時遂考覽六籍探綜羣
緯周流華夏游集帝學授文武之

將墜極微言之未絕于時纓綬之徒紳佩之士塑形表而累附聆嘉聲而響和者猶百川之歸巨海鱗介之宗龜龍也爾乃潛隱衡門收明勤誨童蒙賴焉用祛其蔽州郡闢德虛已備禮莫不能致羣公休之遂辟司徒掾又與有道皆以疾辭將蹈洪崖之遐跡紹巢由之絕軌翔區外以舒翼超天衢以高時稟命不融享年四十有三以建寧二年正月乙亥卒凡我四方同好之人求懷哀悼靡所賞念乃相與推先生之德以圖不朽之事僉以為先民既沒而德音猶存者亦賴

之於見述也今其如何而闕斯禮於是建碑表墓昭銘景行俾芳烈奮乎百世令問顯乎無窮其詞曰於休先生明德通玄純懿淑靈受之自天崇壯幽濟如淵如淵禮樂足悅詩書是敦匪惟撫華乃尋厥根宮牆重仰允得其門懿乎其純確乎其操洋上播紳言觀而高樓屋泌立善誘能教赫上三事幾行其招委辭召貢保此清妙降年不來民斯悲悼爰勒茲銘摛其光耀嗟末來世是則是効

文範先生陳仲弓銘

君諱寔字仲弓穎川許人也其先
出自自有虞氏中葉當周之盛德有
媯滿者武王配以大姬而封諸太
昊之墟是為陳胡公春秋之末失
其爵士遂以國氏焉世篤懿德令
問不顯若膺皇靈之清和受明哲
之上姿憑先民之遐邇秉玄妙之
淑行投足而襲其軌施舍而合其
量夫其仁愛溫柔足以孕育群生
廣大寬裕足以包復無方剛毅強
固足以威暴矯邪正身體化足以
陶冶世心先生有匹德者故言斯

可象靜斯可効是以邦之子第遐
方後生莫不同情瞻仰由其模範
從其趣尚戾很斯和爭訟化讓雖
嚴石猛正迫以刑戮未若先生潛
導之速也其立朝事上也恭順貞
厲舍章直方無顯諫以彰壘不割
高而引長常幹州郡腹心之任義
則進之以達道否則退之以光操
然後德立名宣蓋當世辟司徒府
納規諫謀主弼三事人用昭明台
階允寧遷聞喜長清風暢於所漸
儉節盜於監司郡政有錯爭之不
從即解綬去復辟太尉府遷太丘
長民之治情斂反於端懿者酒

草木偃於翔風百卉之挺於春陽也。以所執不協，屬所以斯舉矣。不俟終日，辟大將軍府道之行廢。有分於命，乃離密網以就禁錮。潛復不式，十有八年大忌，蠲除舉賢良方正，大將軍司徒並辟君曰：七十有懸車之禮，况我過諸，遂不應其命。容止法度，老而彌壯，兄所履行事類，博審不可勝故，略舉首目。其實錄之，記在乎其傳。春秋八十有三，中平三年八月丙子卒。大將軍三公使御屬，往吊祠會葬，誅行告謚曰文範先生。刺史太守樹碑頌許，令已下至於國人立廟舊邑。

四、丞嘗歡哀承祀，其如祖禰。先生存重，稱亡歆血，循行於已。得斯於人，固上世之所罕有。前哲之所不過也。孤嗣紀，銜恤在疚，敢錄言行，絡始所守，乃有二三友生咨度禮則，咸曰：君化道神，行功有國法，施于民祀典，所宗鄉人之祠。非此遺孤，不得專辭。昔者先生甚樂茲土，築室講誨，精靈所寧，紀順奉雅意，遂定兆域，宜有銘。勒表墳墓，俾後生之歌詠，得音者知丘封之有也。乃作銘曰：

於熙文考天授弘造淵玄其深
巍峩其高剛而無虐柔而不隳

誕鋪模憲亦世作教君之誨矣
民胥効矣道行斯進廢乃斯止
鮮我顯泰既多逝否舍榮取辱
涅而不緇德之休明賤不為取
超邈其猶莫與方軌

陳太丘碑

先生諱寔字仲弓潁川許昌人也
含元精之和膺期運之數兼資九
德總脩所行於鄉黨則恂上焉
姪焉善誘善導仁而愛人使夫少
長咸安懷之其為道也用行舍藏
進退可度不微訐以于時不遷怒

以蓋下西為
三府再辟大將軍守關喜半歲
太立一年德務中肅教敦不肅政
以禮成化行有謚會遭黨事林示錮
二十年樂天和命澹然自逸夜不
語上愛不黷下見機而作不俟終
日及文書赦宥時年已七十遂隱
立山懸車告老四門備禮悶心靜
居大將軍向公司徒表公前後招
辟使人曉諭云欲持表便可入踐
常伯起補三事佩紆金紫光國垂
勲先生曰絕望已文飾中待期而
已皆遂不至弘農楊公東海陳公
每在衣藏羣僚賀之皆舉首曰頌

白七言卷二

川陳君命世絕倫大位未躋慙於
文仲竊位之負故時人高其德重
於公相之位也年八十有三中平
三年八月丙子遭疾而終臨沒顧
命留葬所卒時服素棺擗財周視
喪事唯約用過乎儉羣公百僚莫
不容嗟嗟歲更如各失聲揮涕大將
軍吊祠錫以嘉謚曰徵士陳君稟
岳瀆之精包靈輝之純天不勳遺
一老伴拜我王梁崩哲萎于時靡
憲晉紳儒林論德謀績謚曰文範
先生傳曰郁上乎文哉書曰洪範
九疇彝倫攸叙文為德表範為士
則存誨沒號不刃宜乎三公建

祭以中牢刺史敬吊太守南陽曹
府君命官作誄曰赫矣陳君命世
是生令光醇德為士作程資始既
正守終有令奉禮終沒休矣清聲
遣官屬掾吏前後赴會刊石作銘
府丞與比縣會葬荀慈明韓元長
等五百餘人總麻設位哀以送之
遠邊會葬千人已上河南尹神府
君臨郡追漢功德述錄高行以為
遠近鮮能及之重部大掾以成時
銘斯可謂存榮沒哀死而不朽者
也乃作銘曰

義上宗岳吐符降神於皇先生
抱寶懷珍如何昊穹既喪斯文

微言已絕來者曷聞交上黃鳥
命不可贖衰何可極

陳太丘碑

維中平五年春三月癸未豫州刺
史典以褒功述德政之大經是以
作謚封墓興於周禮衛昇晉銘其
聖有實故太丘長穎川許昌陳寔
字仲弓含聖哲之清和盡人才之
上美光明醜於日月廣大容乎天
地辟四府宰三城神化著於民物
形表圖於丹青巍上焉其不可尚
也洋洋乎其不可則也儉約達時
懸車致仕徵辟交至遂不屑就春

秋八十三有三寢疾而終大將軍賜

謚羣后建碑國人立廟先有二子

季方元方皆命世希有繼期特立

方盛年早亡亦畧容加謚元方

喪毀瘁消形嘔血純禮過哀率

禮不越于時嘉畫像郡國欽盛德

之休明懿鍾鼎之頌義乃樹碑鐫

石焉世寵光於皇先先生冠耀八荒

德之宇深道之綱繼期立表以

訓四方惟亮天工群生之望高明

實有馥其芳載德亦世休有烈

元欵慕在人舊有憲章過牧斯州
庶奉清塵弃子而邁靡瞻靡聞嗟
喪矣曷所咨詢告哀金石戒昭

其勤

汝南周巨勝碑

君諱纒字巨勝陳留太守之孫光
 得勲之子也君應坤乾之淳靈繼
 命世之期運玄懿清廟貞厲精粹
 體仁足以長人嘉德足以合禮總
 六經之要括河洛之機援天心以
 立均贊幽明以揆時沉靜微密論
 於無內寬裕弘博舍乎無外之纖
 罔不總也是以實繁於華德盈乎
 譽初以父任拜郎中疾夫官察孝
 廉是時郡守梁氏外戚貴寵非其

好也遂以病辭太守復察孝廉乃
 濟而然之以明司否然猶私存衡
 門講誨之樂不屑已也又委之而
 旋故大將軍梁冀專國作威海內
 從風世之雄材優逸之徒莫不委
 質從命而顛覆者蓋以多矣聞君
 洪名前後三羣而卒不降身由是
 督紳歸高辟公事德大尉司徒再
 辟三辟察賢良方正州舉才襄貢
 令皆病不就優讓之際災眚仍發
 聖上詢諮師錫策公車持徵君即
 瞻天象俯效人事世路多險進非
 其時乃托疾杜門靜居里巷無人
 跡外庭生蓬蒿如此者十餘年強

白七曰六二

禦不能奪其守王爵不能滑其慮
至延喜二年乃更開門延賓享宴
醇樂及秋而梁氏誅滅十二月君
卒然則識機知命可觀於斯矣洋
洋乎若德雖崇山于伊重淵百尺
未足以喻其高究其深也夫三精
垂耀處者有表爰在上世作者七
人焉有該百行備九德齊光日月
洞靈神明如君之至者與曹所謂
天民之秀也享年五十不登期考
還邇歎悼痛心失厝乃相與建碑
勒銘以旌休美其辭曰
厥初生民天賜之性有麗有醇
有否有聖伊茲周君久丁其政

誕茲明德自始哲今與乎其文
如星之布確乎不拔如山之固
追跡先緒應期作度潛心大猷
譚思德慕遁世無悶屢辭王寮
洋洋上必立于此以道遙茂尔童蒙
是訓是教瞻彼榮寵言諸雲霄
優哉游哉侔此弘高名振華夏
光耀昆苗清風丕揚德音孔昭

彭城姜伯淮碑

先生諱肱字伯淮彭城廣人也其
先出自帝胤在皇唐蓋與四岳其
葉能禮於神舜命秩宗爰封于宮
其裔曰望佐周剋殷俾侯齊國姓

有姜氏即其後也高祖上父皆豫
章太守穎陰令先生既踏先之純
德躡妙之高姿立性純固百行循
備但其平生所能事親惟孝友如
大舜五十而慕友于兄弟有棠棣
之華萼譁之度體惠理和有上德
之素安靜守約有及嬰兒恬蕩之
固至操動信邑中化之外戶不閉
治藏無隱及其學而知之者三墳
五典八索九丘俯仰占候推步陰
陽有名物定事之能獨見先觀之
効然猶學而不厭誨而不倦童冠
自遠方而集者蓋千餘人夫水盈
而流德交而形是故德行外著洪

聲外布華夏同稱名振當上凡士
辟公府九舉賢良方正公車徵玄
纁禮聘又家拜康為太守太中
大夫先生盤桓育德莫之肯就不隕
獲於貧賤不充詘於富貴拔乎其
萃出乎其類生民之傑也年七十
有七達安二年四月辛巳卒於是
從弟子陳留申屠蟠等悲悼傷懷
惟微言之欲絕咸絕論之事乃建
碑於墓甄述景行邈矣先生應天
淑靈孝友是備上德是經弘此文
藝耽怡是寧恂上善誘童冠來誠
有其負有聲顯上羣公
十頁令赫上聖皇仍獲其聘委策

辟國守此玄靜縛乎其裕確乎其
操疇昔洪崖雙名並高嗟乎殞沒
縉紳永綽依上我徒靡則靡効勒
銘金石彌而益曜

貞節先生陳留范史雲銘

先生諱丹字史雲陳留外黃人陶
唐氏之後也其在周室有士會者
為晉大夫以受范邑遂以為氏漢
文景之際爰自南陽來家于成安
生惠及延二年官至司農廷尉君
則後也君受天正性志高行潔在
乎幼弱固已藐然有烈節矣時人
未之或知屈為縣吏函從佐進非

其好也退不可得乃託死遁去親
戚莫知其謀遂隱竄山中涉五經
覽書傳尤篤易尚書學立通通父
而後歸遊集太學知人審友苟非
其類無所容納介操所在不顧貴
賤其在鄉黨也事長惟敬養稚惟
愛言行舉動斯為楷式郡縣請召
不嘗屈節其有備禮招延虛已訝
正亦為謀奏其忠直以處士舉孝
廉除郎中君萊蕪長未出京師喪
母行服故事服闋後還郎中君遂
不從州郡之政凡其事君過則強
之闕則補之通清夷之路塞邪枉
之門舉善不拘階次黜惡不畏強

禦其序繁多博不可詳載雅性謙
儉體勤能苦不樂假借與從事荷
傳徒行人不堪勞君不勝其逸辟
太尉府俄而冠帶士或以羣薰見
疾時政用受禁錮君離其罪閉門
靜居九族中表莫見其面晚節禁
寬困於屢空而性多檢括不治產
業以為卜筮之術得因吉凶道治
氏情以受薄賈且無咎累乃璽封
于梁宋之域好事者覺之應時輒
去禁既蠲除太尉張公司徒崔公
前後四辟任不為祿故不牽於位
謀不苟合故特立於時是則君之
所以立節明行亦其所以後門失

途也年七十有四中平二年四月
卒太尉張公兖州劉君陳留太守
淳于君外黃令劉君命使
諸儒參案典禮作書著論曰貞節
先生昭其功行錄記所履著於者
舊刊石樹銘光示來世
於顯貞節天授懿度誕茲明哲
允迪得譽如淵之清如玉之素
園之不濁涅水不污用行思忠
舍藏思固伯夷是師史鮪是慕
榮貧安賤不恡窮達其死善道
遺名之故身沒譽存聲休載路

玄文先生李子材銘

玄文先生名休字子材南陽宛人也其祖李伯陽周柱下史觀衰世而遁焉其後雄俊豪傑往七岵出自戰國及漢各臣繼踵枝胄散遷其于宛尚矣王莽竊位漢祚中移考翼佐世祖匡復郊廟錫封茅士鄉相牧守于時相逐休少以好學游心典謨既綜七經又精羣經鈞深極與窮覽聖旨居則玩其辭動則察變雲物不顯必考其占故能獨見前識以先神意若古今常難疑義錯繆前人所希論後學所不覽休畫剖判利散幽暗昭爛猶發擴於目所不覩體所不閑遂登東

岳觀百王遺風習容關里以禮中退而講誨高冠仰正傳也郡署五官掾功曹司空胡公顯以儒譽特進大鴻臚仍禮優請固秉讓虛辭此三命不為利回不為義夜臨寵審已不動其守可謂純潔結素縛有餘裕者已甘於鄉黨細行敦睦九族篤信交友不可得而詳也初妃出後妃未字年既五月乙未卒凡其親昭朋徒臧味相與大會而葬之鼎俎之禮節文曲備時令戴君臨喪命謚郡遣丞掾冠蓋咸屈既定而後罷焉於是固好

友舊念以為仲尼沒文不在茲韞
積美玉喪英賈之求而無繼懷爾
末恩乃刊斯石懿德是不
干茲先生秉德恭勤天啓哲心
其繇孔純經緯是綜雅麗是分
行已守道匪禮不遵處約不威
聞寵不欣榮不能華威不能震
天在厥命以尚以仁有惠云載
惟邦之珍安典考謚上以玄文
身沒名彰醜黜作隣遺譽罔極
丕昭億年為呼哀哉

處士園叔則銘

伊漢二十有一世處士有園典字
叔則者夫其生也天真淑性清理
條暢精微周密包括道要致思無
刑深總曆部織入實文藻分葩
如春之榮守根據窮不虛其聲偉
德若茲惟世之英乃遂隱身高數
稼穡孔勤童蒙來求彪之用文不
義富貴譬諸浮雲州郡禮招休命
交集徒如名位而已莫之能起也
博士徵舉至孝恥已處而復出若
有初而無終潔耿介於丘園慕七
人之遺風年七十有五建寧二年
六月卒臨沒顧命曰知我者其蔡
邑乃為銘載書休美俾來昆裔永

有諷誦以先生之德其辭曰
民之齊威卓時挺生思心精
綜物通靈漸有玄妙于時
聞道睹異惕然若宮守死善
與世無營渾其若濁徐然後
綽其若煥終其益百有恒實
獨秉其經嗟來世爾是瞻是聽

蔡中郎文集卷之二

蔡中郎文集卷之三

司空楊秉碑

公諱秉字節叔弘農華陰人也其
先蓋周武王之穆晉唐叔之后也
末葉以支子食邑于楊因氏焉周
家既微裔胄無緒暨漢興烈祖楊
憲佐命征六封赤泉侯嗣子業級
冕相繼公之不考以忠蹇亮彌輔
考安登司徒太尉公承風緒世薦
儒教以尚書歐陽某京氏誨授四
方學者自遠而至蓋踰三千初辟
司空舉第拜侍御史遷豫州兗州

刺史任城相徵入勸講拜太中大夫左中郎將尚書出補右扶風留拜光祿大夫遭權嬖貴盛六年守靜外戚火燔尔乃遷太僕太卿公事紕位夾辰之間俾位河南擯疾強見濩姦黨用嬰曾靡起家復拜太常遂陟上司沙汰海內料簡實抽援表達與之同蘭芳任異重從駕南巡為朝德然知權過於寵私富侔國大因苛有望變復還條表聞啓導上怒其時所免州郡守五十餘人號餐戾是紕英才是列善否有章京夏清肅在位七載年七十有四延熹八年五月戊薨

朝廷惜焉寵賜有加自奉嚴勅勳器不鏤雕夙喪嬾儻妾不嬖御可謂立身無過之地正疾杆清儉該謂者矣昔仲尼有垂三戒而公克焉故能匡朝盡直輔可去奸忠侔前後聲塞宇宙非黃中純白窮達一致其惡能立功立事敷聞于下昭升于上若茲魏七者乎於是門人學徒相與刊石碑表勒鴻勳讚懿德傳億年於戲公唯岳靈天挺德翼精神網緼仁哲生應台任作邦楨帝欽亮訪典刑道不或迄有

成光遐邇爾穆其清

司空臨晉侯楊公碑

皇帝遣中謁者陳遂侍御史馬助
 持節送柩陳遵桓典蘭臺令史十
 人將羽林騎鉦車介士前後鼓吹
 以驃騎將軍官屬及司空法駕與
 公卿尚書三臺已下葬我文烈侯
 三年九月甲申小祥會如初四年
 九月戊申大祥公卿尚書三臺已
 下會如小祥之禮公之祖結忠於
 前朝以離艱禍父憲約蟄瘁卒盡
 治家師導唯儉之尚公生值謙福

資賄屢空手執勤役定涉道里以
 脩經術險阻難曷所不嘗侍以其
 靜則真一審固動則不違則競度
 容覆載無競伊人謀無不忠言無
 不信自在弱冠布衣之中固以流
 芳名茂實公孫同倫莫能齊焉者
 矣州郡禮招莫之能屈委百里位
 辟公事今自侍御史侍中已往道
 為帝師德為世表體尊各重階級
 彌崇而公處以恭遜行以固慎
 大而心小居高而志降夫驕吝之
 害周公其猶病諸而公倪然以為
 行希不亦泰乎及其所以匡輔本
 朝忠言嘉謀遠勝流辭當事而行

言從既不敢納亦不敢宣密誠若
功貽于帝躬家无遺草論者不見
嗟乎為達事君之體得人臣之上
儀諸已以貴不貴歸非不樂引美
故雖彷彿猶不敢載以順公之雅
初受封自以功不副賞前後固辭
章凡十上憂愠情昭顯晚節為廷尉公
不克從情旨成功惟殷于民而舉
曰昔在三后成功惟殷于民而舉
陶不与焉蓋吝君之也及為特進
又曰唯漢重臣中興以來克稱斯
位者其唯高密元侯乎吾何得
堪諾寢疾頓命无辭要言約戒忠
儉而已孤虎銜恤未思綴輯而履

以贊銘之

赫上烈侯卓尔超倫於唯楊公
乃華降神故能明哲德亞聖人
受茲介福位極人臣包羅五典
本道根真為國之師海上經文
通曆鄉校五登昇鉉建名著忠
確越前資攘灾興化蟬螿不臻
風雨有時屢獲有年三葉宰相
應祚于天臨晉是侯乎上孫上
億兆不窮如山之堅四時潔祠
以承奉尊祀事孔明奉亡如存
後上芬上以慰顯魂

漢太尉楊公碑

七百六十一

四

公漳賜字伯猷弘豐承華陰人姬姓
之國有楊侯者公其後也其在漢
室赤泉祐高丞相翼宣咸以盛德
先于前朝祖司徒考太尉繼跡宰
司有勛力公承家崇執受天爵素
欽承奉構閑于伐何烈風維而不
易其趣文以典藉尋道入與操清
行廟潛晦幽閑人事不荅州郡之
命辟大將軍府不得已而應之遷
陳倉令公乃因是行退居廬公車
徵以病辟司空舉高第拜侍中越
騎校尉帝蒞先業將問故列公之
羣公之舉進受尚書于禁中遷少
府光祿勳敬揆百事莫不時序度

尹知恤聞闕推清列作司空地平
天成陰陽不忒公遂身退託疾告
退又以光祿大夫受命司徒五品
宣給人倫燮和理股肱耳目之任
靡不克明及至太尉四時順動三
時先潤羣生豐遂太和交薄作六
卿五蹈三階受爵開國應位特進
非盛德休功假于天人孰能該備
寵兼包令錫如公之至者乎公體
資明哲長於知見凡所辟選升諸
帝朝者莫非瑰才逸秀拜冢儲佐
惟我下流二三小臣穢損清風愧
于前人乃糾合同僚各所審紀公
勲績刊石立銘以慰來懷

白上卷三

五

光降統 家三業在 服帝載用 和
與傑我公 凡執丕貞 在棟伊隆
于鼎斯寧 德被宇宙 華夏以清
受茲介福 履祚孔成 為邑河渭
袞冕絺綌 以佐天子 祗事三靈
不顯伊德 萬邦作程 爰銘爰贊
式昭懿聲

文烈侯楊公碑

公諱賜字伯猷兼通五典周覽篇
藉以為尚書帝王之壯士有國之
大木也足以三葉相承研其義精
五代之微言王政之約罔網不尋

其端源究其條貫凜乎其見聖人
之情旨也蓋以韜騰餘縱思高
夏以初潛山澤授諶童冠後生問
以發祛蔽文其材素者蓋不可勝
數乃由宰府遂作帝臣于時聖幼
將入學羣公以溫故知新德宣師
保乃以越騎校尉援于光上之內
帝座已比面以納大詢其簡人善
誘則恂恂焉罔不釋也迄用有成
則聞聞焉罔不釋也迄用有成績
熙光明惟帝念功六在九卿三事
勳假皇天澤充區域疆士建封申
增戶邑人臣之極位兼而有之然
慶豐登約九命茲恭可謂高朗令

終有始有卒者已於是門生大將
軍何進等瞻仰洙泗公喪之禮統
合明徒稽諸典則僉以為匡弼之
功政事之實則詔策諫諍故臣志
其詳若夫道術之美授之方策則
是門人二三小子所特貫綜敢
不才譏錄所審言于碑乃申頌曰
魏上聖猷匪師不昭十子困蒙
匪師不教於皇文父邈哉伊超
如玉之固如岳之喬嶺之斯堅
仰之彌高示我顯德授我無隱
正席傳道承帝之問誨茲一人
方邦作順徽上我徒實賴遺訓
文武作式元勳既奮光啓爵土

垂統未胤存業亡衰沒而不泯

司空文烈侯楊公碑

曰漢有國師司空文烈侯楊公上
惟司徒之孫太尉公之胤子皇祖
考以懿德胥及肆勤或建休勳啓
洪範公祇服弘業克丕堂構小乃
不敏不真大亦不敏不戒用罔有
罪言失行在於其躬洎在於舉先
志載言罔不攸該乃自宰臣以從
王事立功不有用辭其祿造作御
史允執國憲納于侍中在帝左右
爰董武授王師孔閑群公舊德碩

百七十三

儒道通術明宜建師保延入華光
侍宴露寢敷典誥之精旨達聖王
之聰睿帝以機密齋栗常伯處任
鮮克知臧以釐其采命公再作少
府俾率其屬以熙庶績天地作儉
國家不承軍門祛襟式遏寇虐命
公再作光祿亦總其能罷之士不
貳心之臣保以帝家岩上大理惟
制民命上公作民尉惟刑恤之旁
施惟明折獄蔽罪于憲之中亦三
禮六樂國體元幹命公作太常明
德惟馨八音克諧神人以和永世
豐年溥天率土而衆莫外命公作
司空翊明其政唯天陰隲不民彘

倫所由順序公唯哉之時惟休哉
親百姓敷五教命公作司徒而敬
敷父義母慈兄友弟恭子孝時惟
休哉昭孝於辟雍命公作三老帝
躬以祗敬尊有虞於上庠崇上大
軍垂光烈耀命公作大尉璇璣運
周七精循軌時惟休哉帝欲力于
四方公則授之辟道或回公則弼
之虔恭夙夜不敢荒寧用對揚天
子丕顯休命天子大簡其勳用授
爵賜封侯于臨晉功成化洽景命
有頃帝乃震慟執書以泣命于左
中郎將郭儀作策賜公驃騎將軍
臨晉侯印綬兼號持進蓋以文勳

命異備而後即世肆其孤彪敢儀古式昭銘景烈

天鑒有漢諶先元輔世作三事勛在王府乃及伊公克光前矩

悉心畢力亂其祖武化洽羣心澤漫綿宇帝曰文烈勝嘉君功

為邑河渭建茲封士申卅九錫以祚其庸位此特進于田兵羣公

昔在申呂匡佐周宣嵩山作頌大雅揚言今我文烈帝載用勳

參光日月比功四時身歿名存求世慕思

琅邪王傅蔡朗碑

君諱朗字仲明蓋倉頡之精胤姬

稷末曾也昔牧度文王之昭建侯

于蔡以國氏焉迄于平襄周祚微

缺王室遂卑齊晉交爭強楚侵陵

昭侯徙于州來公族分遷氏家于

圍奕葉載德常歷官尹以寔于茲

君雅操明名或厲不益履孝悌之

性懷文藝之才包洞典籍刊摘沉

祕知機達要通含神契既討三五

之術又采二南之業以魯詩教授

主徒雲集莫不自遠並至栖遲不

易其志簞食曲肱不改其樂心棲

清虛之域行在玉石之間是以德

行儒林智周當代四岳稱名帝曰

余聞元和元年徵拜博士舒演與
祕贊理關文所立卓爾度躡雲縱
其選士也柳規枉措進聖擢偉極
遺逸於九臯揚明德於仄陋拔茅
以彙幽滯用濟加以清敏廣罕好
是正直規諷之策曰諫于庭忠謹
著烈烈令聞流行聖朝以審國貴先
帝遺體或以繼絕襲位正於阿保
未洽雅訓驕盈僭差或蹈憲理非
弘直碩儒莫能匡弼察君道審行
修德進退可度遷河間中尉琅邪
傳及從經行術之方示以斐謀之
威率禮莫違乃國用靖雖安國方
輔梁孝仲舒之相江都靡以加焉

動績既盛帝謂其功將授上位遷
紫官壽不永遽此疾凶年五十八
末興六年夏卒

嗚呼哀哉凡百君子咨嗟罔極
殷懷傷悼流惻如何昊天
喪我師則爰勒斯銘式昭其德
天敏明哲於赫我君含弘光大
玄覽孔真潛樂教思韞玉衡門
雲龍感應養徒三千珠藏外灌
鶴鳴聞天若時微庸登祚王臣
統彼前疑定此典文參佐亡德
俾相二蕃身沒稱顯永遺令勤
表幸揚名垂示後昆

劉鎮南碑

君諱表字景升山陽高平人也君
膺期誕生瓌偉大度黃中通理博
物多識為郡功曹千里稱平上計
吏辟大將軍府遷北軍中侯在位
十旬以賢能特選拜刺史莅州未
漢元年十一月到官清風先驅莫
不震肅奸軌改節不仁引頸尔乃
班愷上流惠和募郡唐叔之野棠
思王導之驅印策賦政造次德化
宣行俄而漢室大亂禍起蕭牆賊
臣專政豪雄虎爭縣邑閭里奸佞
煙發州縣殘破天下士崩四海大

壞當是時也雖有孔翟之聖賢諸
賁之勇勢無所措其智力君遇險
而建畧遭難而發權招命英俊援
得驍雄謀臣武將合策明計出次
北境遷屯漢陰因滄浪以為隍因
春葉以為庸南撫衡陽東緩淄沂
西靖巫山保又西疆選才任良式
序賢能簡將命卒某布星陳備要
塞之戍八方之邊勸墾務農以田
以漁稔粟紅腐年穀豐夥江湖之
中無劫掠之寇沅湘之間無攘竊
之民郡守令長冠帶章服府寺亭
鄉崇棟高門如比皆舊常世知名
藝而至四方襁負自遠若歸窮山

幽谷於是為邦百工集極歲巧萬
端器械變通判民無窮鄰邦懷慕
交揚益州盡遣驛使冠蓋相雲下
民有康哉之歌羣后歸功之緒
莫匪嘉績克厭帝心即遷拜牧又
遷安南將軍領州如故于時諸州
或失土流播或沒害人民死喪百
遺二三而君保完萬里至于滄海
聖朝欽亮析圭授土俾疾成武遣
御史中丞鍾繇即拜鎮南將軍錫
鼓吹大車策命褒崇謂之伯父置
長史司馬從事中郎開府辟召儀
如三公將復遣左中郎將視聽後
節以增威重并督交揚二州委以

東南淮君所裁雖周召授分陝之
任不遠過也交州殊遠王塗未夷
夷民歸附大小受命其郡縣長吏
有缺皆來請之君權為選置以安
荒裔輒別上聞齊桓侯邢封衛之
義也武功既亢廣開雍泮設俎豆
陳壘辨親行鄉射寧彼公堂篤志
好學吏子弟受祿之徒蓋以千計
洪生巨儒朝夕講誨問上如也雖
涖泗之間學者所集方之篋如也
深愍末學遠本離直乃令諸儒改
定五經章句刪刻浮辭芟除煩重
贊之者用曰少而探微知機者又
求遺書寫還新者留其本故於是

古典集必舊州間及延見武將文
吏教今温雅禮接優隆言不及軍
旅之事辭不遷官曹之文上論三
墳八索之典下陳世忠義之方內
岡如秋霜外柔如春陽不伐其善
不有庸如彼川流每往茲通可謂
道理不才命世希有者已仁者壽
宜享胡考昊天不弔年六十有七
建安十三年八月遘疾殞薨耕夫
罷幫織女投杼老幼哀號若喪父
母時道路艱險留墳州土轉移葬
歸立墓父勉其子妻勉其夫欲共
扶送至子鄉里南鄉太守樂陽亭
侯吳思等言及志在州里者自各

發卒具送靈柩之資授徵拜五官
中郎將乃共上歸本縣葬見聽許
太和二年葬于先榮於是臣故新
淪休伐以為申伯朝侯之翼周室
受輅車乘馬玄裘赤寫賜詩人詠
功列于大雅至今不朽况乎將軍
牧二川二紀功載王府賜命優備
賴而生者毓子孕孫能不歌嘆乃
作頌曰

猗歟將軍膺期挺直桓上其武

温上其仁初幹千里名顯使臣

幕府礼命集于此軍督齊禁旅
如羆上熊眷然南顧綏我荆衡
將軍征來民安物豐江湖交壤

刑清國與蔽帝甘棠召伯聽訟
周人勿刻我賴其振欲振之德
胡不億年如何殂逝孤弃萬民
鐫勒之石以紀洪勳昭示來世
垂芳後昆

蔡中郎文集卷之三

蔡中郎文集卷之四

太傅安樂鄉文恭侯胡公碑

公諱廣字伯始交趾都尉之元子
也公應天淑靈履性貞固九德咸
修百行必備遭家不造童而夙孤
上奉繼親下慈弱弟崎嶇儉約之
中以蓋孝友之道及至入學從訓
歷觀古今自生而知之聞一觀十
見以周覽六經博總羣議旁貫憲
法通識國典年二十七察孝廉除
中尚書侍郎尚書左丞尚書僕射
兼練機事綢繆樞極中亮唯允簡

于帝心周密冠于庶事遷文濟陰太守其為政也寬裕足以容衆和柔足以安物剛毅足以威暴體仁足以勸俗故禁不用刑不用賞其下望之如日月從之如影響思不可忘度不可革遠愛結於人心超無窮而垂則徵拜大司農遂作司農遷太尉以授立之封安樂鄉侯錄尚書事稱疾屢辭策賜就第復拜司空功成退和立特進又拜太尉復以特進致命休神又拜太尉遜位歸爵旋于舊土徵拜太中大夫尚書令太僕太常司徒永康之初以定策元公復封前邑錄尚書事

疾病就第又授太傳入參機衛五路九列七統三事諒闇之際三據冢宰和人事於宗伯理水土於下台訓五品於司籍二辰于上階光獨六世歷載三十自漢興已來并元輔孝衣老成勳被萬方與祿終始未有若公者焉春秋八十二達寧五年三月壬戌薨于位天子悼惜羣石司懷詔五官中郎將任宗奉冊贈以太傳安樂鄉侯印綬拜室家子一人郎中賜東園祕器賜爵帛合斂之備中謁者董詔弔祠護喪錢布賻賜率禮有加賜諡曰文恭昭顯行迹四月丁酉葬于

洛陽瑩故吏濟陰池喜感父之義
率慕黃鳥之哀推尋雅意彷彿舊
土休績不烈宜宣于此乃樹石作
頌用揚德音詞曰

於皇上德謚鑠孔純太孝昭備
思順履信膺期命世保茲舊門
淵泉休茂彪炳其文爰尚天幾
翼上唯恭風夜出納紹跡魚龍
賦政于外神化玄通普被汝南
越用熙雍帝曰休哉命公三事
弓耀柔嘉式是百司股肱元首
庶績咸暨二氣變雍五徽來備
動格皇天澤洽后土封建南蕃
受必介祐王藻在是羣服艾輔

胡公碑

路車雕駟匹牡脩扈贊事上帝
祇祠宗祖陟降盈虧與時消息
既明且哲保身遺則同軌旦奭
光充區域生榮死哀流統罔極

公諱廣字伯始南郡華容人也其
先自嬖姓建國南土曰胡子春秋
書焉列于諸侯公其後也考以德
行純懿官至交趾都尉公寬裕仁
愛覆載博夫研道知幾窮理盡性
几聖哲之遺教文武之未墜罔有
不綜年二十七察孝廉除郎中尚
書侍郎左丞尚書僕射命內正機

衡先整其職文敏暢乎庶事密靜
周乎樞機帝用嘉之遷濟陰太守
爾乃布愷愷宣柔嘉通神化道靈
和拂揚惠風以養真激清流以盪
邪取忠肅於不言消奸究於瓜牙
是以君子勤禮小人知取難林息
於官曹刑戮廢於朝市餘貨委於
路衢餘種洒于畎近汝南太守
增脩前業考績既明入作司農實
掌金穀之淵數和均關右王府以
充遂作司徒昭數五教進作太尉
宣暢渾元人倫輯睦日月重光遭
國不造帝祚無主援立孝桓以紹
宗緒用首謀定策封安樂鄉侯戶

邑之如加于羣公入錄機事聽納
總已致位就第復拜司空敷土導
川屏順其性功遂身退告疾固辭
乃為特進爰以休息又拜太常典
司三禮敬恭禮祀神明嘉歆永世
豐年幸懷多福復拜太尉尋申前
業又以符准道遙致位又拜太常
遘疾不夷遂位歸爵遷於舊都徵
拜太中大夫延和未年聖主革正
幸臣誅薨引公為尚書令以二千
石居宮中以聞外之事釐改度量
以新國家弘綱既整衣闕以補乃
拜太僕車正馬閑六駟習訓遷太
常司徒成宗晏駕推建聖嗣復封

故邑與參機密寢疾告退復拜大
傳錄尚書事于時春秋高矣繼親
在堂朝夕定省不違子道旁無
杖言不稱老居喪致哀率禮不
其接不替賓雖幼賤降等禮從
尊而彌恭勞思萬機身勤心苦
老業子嬰兒其服方叔克壯其
公曰納于台屋正考父俯而循
曷以尚茲夫蒸二至孝德本也
知履忠行極也博聞周覽上通
勞王家茂功也用能十登三事
受介社亮皇世於六王嘉無績
九有窮生之光寵享言苟之遐
蹈明德以保身與福祿乎終始

八十有二建寧五年春壬戌薨下
位天子悼痛贈策遂誅謚曰文恭
如前傳之儀而有加焉禮也故吏
司徒許詡等相與欽慕崧高蒸民
之徒取言時計功之則論集行跡
銘諸琬琰其詞曰

伊漢元輔時惟文恭聰明叡哲
思心卒容畢力天機帝休其庸
賦政于外有魏其蹤進作卿士
粵登上公百揆時序五典克從
萬邦黎獻且唯時雍勳烈既
爵士乃封七被三事再作特
弘唯幼冲作傳以訓赫上倚公
邦家之鎮澤被垂夏遺愛不

日與月與齊先並運存榮亡顯
受而不民

胡公碑

維漢二十有一世建寧五年春三月既生魄八日壬戌太傅安樂鄉侯胡公薨越若來四月辛酉葬我君文恭侯於是掾太原王允鴈門畢整屬扶風魯宙潁州牧歷等為公之德也柔而不犯威而不猛文而不華實而不朴靜而不滯動而不躁總天地之中和覽生民之上操聰明膚敏兼先覺涉觀憲法契濶文學睹韋陶之闡闡孔子之

房奧然而約之以禮守之以恭寬之納衆况參多容其誘仁也怡陶焉怡七焉使夫蒙惑開圻悔勞偽戾優順逸者能夫勤信及其創基即位發跡幾密聖朝其知其能夙夜惟寅以允帝命是以頻繁幾極三升而不出焉乃還譚其舊章彌緝古訓貫萬品研精微用補之前臣之所闕十年而無愆強計可乎富平周慎逸於博士偶山甫乎喉舌疋虞龍而納言唯帝命工以二郡其為政也導人以德師不以已敦以忠肅厲以知耻人悅其化夫樂其和士相競於公朝民勤行

於稔家徽墨紫而靡係鞭朴棄而
無加洋上乎若德宣治嚴以為威
寬以爲福而已哉五作卿士七蹈
相位太僕司農太傅司空各一司
徒特進名二太常太尉各三光輔
六世歷載三千有餘其致之也通
水泉於潤下繁后士於稼穡訓五
品於群黎衆人物於區域輝三辰
於渾元叶大中於皇極傳聖於
冲率曰爽於舊職譬彼四時功成
則退在盈思中升降以順建封域
於南土踐殊域於特進榮祚統業
垂手來亂公自二郡及登相位凡
所辟用遂至大位者故司徒中山

祝括其餘登堂閣據與政策勳樹
功流化者蓋不可勝載自我未臣

頑蔽無聞仰慕羣賢惡乎不及自
公寢室至于薨斃衆徒禱列在

喪位葬庶初戮力不愆于禮進睹
墳墓凡延靈設浪顧俯仰然永闕

感悼傷懷心肝若割相與累次德
行崇奉功勳刊之千碑用慰哀思

煥文德伊朝后應期運作漢輔
喜中興膏氏立澤洪溥曾依序

巨地區充天宇麟高達踵遐武
揚景烈垂不知仰遂古耀昆後

太傅祠前銘

天監金有漢山岳降靈於肅文恭應
期誕生好足懿德柔惠且貞爰初
在服皇嘉其聲納于機密推清守
于三邦上事寧越尹三卿伯揆
時序七受八命作此元輔左右六
世靖綏士字蠢彼羣主深賴實叙
詔跡龍夷繼軌山甫遭國不造仍
世短祚接立聖嗣但公之謨帝曰
文恭朕嘉尹功為邑安樂以祐其
庸登位特進于異羣公休命不顯
先寵克章公拜稽首是對是揚詩
乃喪不熱是遺碑屏於皇新廟奕
奕于以丞嘗子也孫也承嗣無疆

漢交趾都尉胡府君夫人黃

氏神誌

夫人江陵黃氏之季女實曰列
其先出自伯翳別封于廣以國氏
焉高祖父汝南太守曾祖父延城
大尹祖父番禺令父以主簿嘗證
太守事命明君以立臣節漢南之
士以為美談初都尉君娶于故豫
州刺史安即黃君之姊生太傅安樂
侯廣及卷令廣而卒繼室以夫人
生童紀未樹而天夫人懷聖善之
姿韜因母之人撫育二孤導以義

自上古卷四

方思齊先姑神罔時恫致能迄用
有成誦膺繁祉廣歷五卿七公
封之祿康亦由孝廉宰牧二城九
鼎之義夫人是享爰暨稚孫更士
三官或典百里或作虎臣銀艾貂
蟬近侍顯尊受茲介福于我夫人
自都尉任于京師及廣兄弟式叙
漢朝夫人居京師六十有餘載其
乘輅執贄朝皇后採柔桑于蚕宮
手三盆于繭館著蓋三十年上有
帝室龍光之休下有堂宇斤上之
祚心耽其榮體安其玄遠圖之慮
用遺舊居欲留此焉康寧之時亟
以為言大夫夫人年九十一建寧二

年薨于太傅府是月辛酉公之季
子陳留太守碩卒于洛陽左池里
舍公街哀悼祗慎其屬遵奉遺意
不敢失墜乃俾元孫顯咨度羣儒
以考其衷僉曰昔帝舜沒於蒼梧
殯於虞郊二妃薨於江湘不即兆
于九疑延陵季子寔惟吳人長子
道終不葬羸博夫遭時而制不遠
遷徙魂氣所之不繫丘壠帝舜以
之神罔時怨季扎以之仲尼嘉焉
鑒帝藉之高論綜精靈之幽情稽
先人之遐迹順母氏之所寧茲事
為辭昭先考然後卜定宅兆龜筮
白

襲從遂營窀穸之事奉封樹之禮
十月既望聖粵翌日巳酉葬我夫人
黃氏及陳留太守碩于此高原維
陽東界闕亭之阿天子使中常侍
謁者李納吊且送葬持賻錢二十
萬布二百疋再以中牢祠羣后畢
會榮哀孔備于時濟陽故吏舊民
中常侍勾陽于肅等二十三人思
應慕化推本議銘著斯俾諸昆裔
瞻仰以知禮之用是為神語乃申
頌曰

於穆夫人家邦之媛昔在羸代
黃國氏建致于近祖亦降于漢
天祚明德福祚流衍既作母儀

祖信思順登壽耄至用永壽
子孫以仁追稽先典度茲洛濱
齊跡湘靈配名古人休矣耀光
于億斯年

太傅安樂侯胡公夫人靈表

夫人編縣舊族章氏之長女也實
曰顯章令儀小心秉操寒淵仁孝
婉順率禮無遺體季蘭之姿蹈思
齊之跡永初二年十有五爰初來
婦誼成家道仰奉慈姑竭歡致敬
俯誨膝下化導周悉至德修於其
機微上音暢於神明故能參姪妣
之功兼生人之榮朝春路寢贊桑

蚤宮光寵有祭七服有充前後奉
斯禮有三十餘載夫人人生五男長
曰整百齊次曰千億叔犇次曰官
曰威次曰碩季慶伯仲各未加冠
周雖氣同時天折叔讓郡孝廉及
季吏歷州寧舉茂才葉令京令為
議郎季以高第為侍御史諫議大
夫侍中虎賁中郎將陳留太守皆
早即世夫人哀悼劬穎由是被疾
遭太夫人憂篤年七十七建寧三
年薨夫人之存也契闊中饋婉亦
供養依生奉仁紹述雅意其間月
耐于太夫人窀穸于茲地魂而有
靈欽明定省神心欣焉其實寧之

元女金盈追慕永思惜恒罔極遂
及斯表鐫著堅珉頌曰

悲母氏之不來兮懷殷血以推
傷惟子道之無窮惜聞誨之未
央庶胡考以期順委我以絕腸昔
思心恒以激切割肝以絕腸昔
先聖之遺辭言仁者其壽長嗟
子姚之憂患體愷悌以慈良失
延年之報祐獨何卒乎穹蒼日
月忽以將暮抱長結以含愁尋
脩念於在昔原疾病之所由元
子若弱天心傷穎以自憂暨叔
季之勤終衰情結以彌綱皇姑
沒而中感遂大漸兮速流疾醜

而曰通氣微上以長沒消精魂

以遐翔會不可乎援招尔
乃順旨於真上繼存意於不違
幽室之黠漠昔昭明之景輝一
往超以未及頌且逸其彌遠顧

既逝之益遠眇悠上而不追
新廟以累欬杖几筵而增悲嗟

議郎胡公夫人哀讚

議郎夫人趙氏實曰永姜允有令
德秉心寒淵舒詳閑雅儀節孔備
女師四典窈窕宛德象罔不習孰以
供婦道議郎早世海幼孤義方

以導其姓中禁以閑其情孤顯儉
節用啓各悔少侍中襲先公之爵

疾未薨而國家方有榮陽寇賊
震驚帝師簡選州辟授仕進衛不

得辭王命親醫藥夫人乃自矜精
稟氣力倪起若愈以勸遣顯到官

月餘所疾暴盛春秋五十八中平
四年薨于京師顯有剖符之福於

國典疾篤不得隱親增感氣絕不
得自察輕徒為之事闕焉永廢雖

不娶以隋沒亦因序於傷襲知我
如此不如勿生號跳告哀以氣體


骨殮年然後復聽追惟考君存時

之命迎落舊上同允此城孤心摧
割靡所底念仰瞻二親或有神誥
靈表之文敬曰亮聞叙我憂痛作
哀書之於神慈于小子夙離西
乘嚴考須沒我在齒年母氏鞠育
義於載憐歿斯勒斯慈愛備存匪
惟驕之範我執度教誨嚴肅昭示
好惡俾我屬類畏威忌怨用免咎
悔戔纒先祖即爵其上二掙是臨
與帝剖符守于濟陰其夫寢疾榮
此寵休疾用歡痊翊日斯瘳特征
將適從養陶立景命徂逝不惑少
留疾大漸以危亟兮精微亡而浸
壞逼王職於憲典兮子孫忽以替

違因不臨此氣絕兮平不親夫含
飯陳衣衾而不省兮合梗棺而不
見昔予考之即世兮安宅兆于舊
邦依存意以奉亡兮遷靈柩而同
來考妣痛莫慘兮離華神柩集而
後兮孤精恒兮增哀攝尺以長兮
羨除點而永墳黃墟密而無間兮
出入閭其無門議柩在茲兮不知
魂景之所在情孤子之不遂兮思
情僚以傷肝幽情倫於后坤兮精
哀達乎昊乾

蔡中郎文集卷之四

百七十四



Handwritten text on the right edge of the page, possibly a page number or a reference mark.

Handwritten text on the right edge of the page, possibly a page number or a reference mark.

